

# Тосхлтин кӧдлмшт бӕӕх дуту- дундиг дарунь чиклдж ясхмн

Элст балгъсна тосхлтин организацн гардачнрин, бригадир-мудин, прорабсин, десятнику-дин хург болв. Эн хургт куундсн тӧрнӧ—тосхлтин кӧдлмшт хоома орад, тосхсн гермудн шаглгдад бӕӕдгиг уурулх тӧр.

Эн тӧрӧр, КПСС-н Хальмг тангъгчин оргбюрон промышленно-транспортн отделин заведующ ур Саврушев Ц. доклад кев.

Ур Саврушев докладтан иигдж темдглв: Элстд болджах тосхлтд ик буру йовдлмуд узгдӕд бӕӕнӧ. Бӧрджӕх гермудн сӧн тохнӧтӧгъӧр кегдхш, зурагъас хаджилгъӕд, дурндан болсн-бӧтсӧрн кегд йовдл бӕӕнӧ. Бӧрсн гермуд ик гидг дуту-дундта. Амтн увлздж чадшго, книтн болхмн. Гермудин ул тӧвхин тӧлӧд нук малтхларн, тер нукнӧ йоралинь тегшлхш, бетонар цутхдж белдвр кехш. Зӧрмдӧн ул тӧвх нук малтл уга, шуд газр деер тӧвнӧ. Эн тосхлтин кӧдлмшт 2-ч номертӧ тосхлтин управлень дегд ик хаджгър гаргъад бӕӕнӧ (начальникнь ур Семибратов).

Балгъсна коммунхозин тосхлтин техник ур Букатин тосхлтиг арднӧ ордж хӧлӧдж, шиндждлх зӧвтӧ кун, болв эн икар оньган бгхш. Буру-хаджгър йовдл бӕӕсн бийнӧ тагчкар зӧвт багтна.

Сарпулин госконтролӧс шишлнӧ кун ирӧд, тосхлтин кӧ-

длмш хӧлӧгъӧд, Элстин тосхлтд зӧвӧр ик дуту-дунд, нам зӧрминӧ дегд муугъӧр кегдсиг темдглв. Тер тооган чиклдж ястха гидж заала, тер бийнӧ зӧрм организацн; тер тоод 5-ч номертӧ тосхлтин управлень, дуту-дундан кунднӧ ясджахш.

Тосхлтин кӧдлмшиг бӧдӧн чинртӧгъӧр, хурдар кехиг партъ болн правительств некджӧнӧ. Тер учрар бидн кесн кӧдлмшиннӧ чинр бӧдлӧулхин тӧлӧ ноолдх зӧвтӧвдн. Болс-бӧтсӧрн гермуд бӧрдж болшго.

Ода мана бми эркн тӧр болдж зогсхнӧ—увлин цагт кех кӧдлмшт белдвр кех тӧр. Эн увл бидн ик кӧдлмш кех зӧвтӧвдн. 3-4 давър ик гермудиг увлин туршар ясдж босгъх зӧвтӧвдн, тигхлӧ эн кӧдлмшт оданас белдх кергтӧ.

Хург деер нег-негнӧннӧ дамшлт сонъсдж, дуту-дундан уурулдж, Алдр Октябрин 40 джилин бӧниг туургсн диилвртӧ тосхмн,—гидж ур Саврушев угӧн чилӧв.

Хургт арвн кун босдж уг келв. Кен чигн уг келсн кун эврӧннӧ дуту-дундан заагъад, теругӧн дарунь уга кехин эваргъ хӧӧлджӧхӧн келӧд, нег-негнӧннӧ кӧдлмш шалгъдж келв.

—Нуудж ирсн хальмгудиг бидн зуна нарнас халхлх эваргъ хӧӧлӧвдн, ода болхла китнӧс харсх кергтӧ. Тер учрар, бӧрджӧх гермудӧн ду-

лалхин аргъ хӧӧх кергтӧ. Местпром (ахлачнӧ ур Манышев) тоосх-чолугъӧр мадниг тетгджӧхш, энунд оньган бгхм,—гидж ур Чужгинов келв.

Хойрдгч номертӧ тосхлтин управленӧ начальник ур Семибратов иигдж келв: мидниг шалгългн чик. Кӧдлмш хашнӧ болдгт, тосхлтд салнӧ орлгт бидн гемгӧвдн. Болв маднд нег харшлт болжахнӧ—сӧн медрлтӧ тосхачнр, десятникуд хӧтӧр болад, нег объектӧс негиурнӧ гулӧлдӧд, бдрӧн урӧнӧ. Шин бӧрджӧх гостиницин гер дегд сӧн, болв энуг бӧрлгнӧд олн дугу-дунд, нам хаджгърмуд чигн бӕӕнӧ. Прораб Кулаков энунд бдр болгнӧ одна, тер бийнӧ хаджгъринӧ узхш. Зӧрм участкудар тосхлтин материал хӧламдж уга кевтнӧ. Дару-дарунь иим хург хурагъад, нег-негнӧннӧ дамшлт авчах кергтӧ.

Ремстройконторин прораб Богатырев, 5-ч номертӧ тосхлтин управленӧ прораб Хоречко, коммунхозин тосхлтин техник Букатин, нань чигн специалистир дамшлтан келцхӧдж, нег-негнӧсн селвг авв.

Алдр Октябрин 40 джилин бӧн кӧртл тосхлтд гарч йовсн дуту-дундан ясдж, олн кӧч-кӧлсчнриг дулан гермудт орулдж, эн олн-ӧмтнӧ ик байриг диилвртӧгъӧр тосх кергтӧ.